

468.

Graf Otto von Orlamünde läßt die Schlösser Schauwenforst, Magdala und Buchfurt dem Landgrafen Balthasar auf und empfängt sie von ihm zu Lehen. 1393 Jan. 17.

Hdschr.: Abschr. Saec. XV. Geh. Haupt- und Staatsarchiv Weimar. Roth's Buch fol. 35.

5 *Gedr.: Michelsen Urkundl. Ausgang der Grafschaft Orlamünde 33 (nach einer neueren Abschrift). Franke Das Rothe Buch von Weimar 95.*

An dem fritage sente Anthonii tage anno m° ccc° xciii° had grafe Otte von Orlamunde vor sich und vor alle syne erbin recht und redelichin uffgelaßin sin fry eygin, daz er gehad had an den sloßin Schauwenforst, Madela und Buchfürte mit alle yrin czu-
 10 gehorunge, und had dy vor gerichte myme hern dem langrafen czu Doringin und margrafe czu Mißin üffgelaßin, alze eygins gewanheit und recht ist. Doby sint gewest Heinrich Schyke, der daz gerichte geseßin had, item dy manschaft, dy czu denselbin sloßin gehörin, dy von dem von Orlamunde vorbot und geheysin waren, Heinrich von Goimycz, der des von Orlamunde wort sprach, Dytherich Leüwe, Apez von Obirwymar,
 15 Heinrich Flans, Lutöld von Nore, Friderich von Sündirshusen, Beringer von Schydingin, Nigkil Heyne, Vlrich von Schale, Hans von Lichtinhayn, Hans von Vla, Dytherich von Meldingin, Kirstan von Mülde. Die, die vorgeschrebin, habin die orteyl ynbracht, dy sich daz zu geborten. Item ouch ist doby gewest er Hartman von Lengefeld rad des von Orlamunde, Iohannes Swab syn schribir, Otte von Grefindorff, Dytherich von Steyn-
 20 bach. Item uff die andirn sytin sint geinwertig gewest myt myme herrin dem langrafen Risbutel, der myns hern *wort^a) *sprach^b), die edeln er Heinrich von Blangkinhain, er Herman von Elstirberg, er Albrecht von Kranchborn, er Heinrich von Targaŵ hofemeister, Dytherich von Webirstete marschalk, Nigkel Füst void czu Wymar, Herman Rost void czu Eschinwege, Friderich von Sliniz, Hans von Dera, Lyppold von Hermans-
 25 grüne, Lodewig von Leynfeld, Folez von Targaŵ, er Iohannes Gicz, Vrbanus von Crüt-husen, Nigkil von Vtensberg desselbin myns hern des langrafen râte, schribere und hofegesinde. Item mit denselbin vorgnanten sloßin und yrin czugehorunge Schauwenforst, Madela und Büchforte und dy lehen ubir Kötendorf had myn herre der langrafe czu Doringin und margrafe czu Mißin dem von Orlamunde grafen Otten und grafen Her-
 30 manne syne brudere und synen lehenserbin begnod und gelegin, alz lehens recht ist, und habin dy lehen, dy vor yr fry eygin waren, dy myn herre der langrafe ynne had gehad vor syn eygin schülche czit, alz des gnug ist czu syne rechtin, enphangin, alz eyn man yn rechte syne lehen sal enphan von syne rechtin lehenhern, myt gestabetem eyde geswarn demselben mynem herren dem langrafen getrüwe und gewer czu syne, also daz
 35 billich und mögelichin ist.

468. a) voit (darüber von einer Hand des 16. Jahrhunderts: wort). b) sprach.